

**Komisija za izbor kandidata za prijem u radni odnos
radi provođenja Javnog oglasa
za prijem radnika u radni odnos
u Razvojnoj banci Federacije Bosne i Hercegovine**

**Obavijest o vremenu i mjestu održavanja provjere znanja
za Javni oglas za prijem radnika u radni odnos
u Razvojnoj banci Federacije Bosne i Hercegovine**

Obavještavaju se kandidati koji su ispunili uvjete za pristup provjeri znanja, a koji su se prijavili na Javni oglas za prijem radnika u radni odnos u Razvojnoj banci Federacije Bosne i Hercegovine, da će se provjera znanja - pismeni dio ispita održati u prostorijama Razvojne banke Federacije Bosne i Hercegovine, ul. Igmanska br. 1, 71 000 Sarajevo, prema sljedećem rasporedu:

Utorak, 01.10.2024. godine

- Za radno mjesto pod rednim brojem 1. Samostalni saradnik na pravnim poslovima administriranja Garancijskog fonda u Službi za administriranje Garancijskog fonda u Sektoru za upravljanje sredstvima, sa početkom u 08,00 sati;

Srijeda, 02.10.2024. godine

- Za radno mjesto pod rednim brojem 2. Referent na poslovima administriranja Garancijskog fonda u Službi za administriranje Garancijskog fonda u Sektoru za upravljanje sredstvima, sa početkom u 08,00 sati;
- Za radno mjesto pod rednim brojem 3. Viši samostalni referent – poslovni sekretar u Uredu Uprave, sa početkom u 11,00 sati.

Ukoliko kandidat bez opravdanja ne pristupi pismenom dijelu ispita kandidat će izgubiti pravo na daljnje učešće u Javnom oglasu.

Pismeni dio ispita sastoji se od 20 pitanja za radna mjesta za koja je kao uvjet propisana visoka stručna sprema odnosno visoko obrazovanje prvog ciklusa Bolonjskog sistema školovanja (za radno mjesto pod rednim brojem 1.) i 10 pitanja za radno mjesto za koje je kao uvjet propisana srednja stručna sprema (za radna mjesta pod rednim brojem 2. i 3.). Pitanja su iz oblasti zakonskih i podzakonskih propisa koji regulišu rad i poslovanje Razvojne banke Federacije Bosne i Hercegovine, te iz oblasti struke vezane za radno mjesto na koje kandidat konkuriše. Pismeni dio ispita traje 45 minuta.

Svaki tačan odgovor na pismenom dijelu ispita boduje se sa 1 (jednim) bodom, dok se djelomično tačan odgovor boduje sa 0,5 (pola) boda. Kandidat je zadovoljio na pismenom dijelu ispita ukoliko ukupan zbroj bodova čini 70% od maksimalnog mogućeg broja bodova, odnosno potrebno je da kandidat osvoji minimalno 14 bodova od ukupno 20 bodova za radno

mjesto pod rednim brojem 1., odnosno 7 bodova od ukupno 10 bodova za radna mjesta pod rednim brojem 2. i 3., kako bi pristupio usmenom dijelu ispita.

Isti dan, nakon što Komisija pregleda pismene testove, usmeno će saopštiti rezultate, te će obaviti usmeni dio ispita sa kandidatima koji su zadovoljili minimum na pismenom dijelu ispita, tj. osvojili najmanje 14 bodova za radno mjesto pod rednim brojem 1., odnosno 7 bodova za radna mjesta pod rednim brojem 2. i 3. Usmeni dio ispita obavlja se po principu predstavljanja kandidata i postavljanja pitanja, sve u vezi predviđenog radnog mjesta.
Ocjena usmenog dijela ispita obuhvata stepen znanja iz oblasti zakonskih i podzakonskih propisa koji regulišu rad i poslovanje Razvojne banke Federacije Bosne i Hercegovine, procjene profesionalnih karakteristika, iskazanih sposobnosti i afiniteta, kao i stručne kompetencije kandidata. Usmeni dio ispita sastoji se od 3 pitanja. Rezultat usmenog dijela ispita je zbir bodova koje su dali svi članovi Komisije i može iznositi maksimalno 15 bodova.



Predsjedavajući Komisije

Mirza Nuhanović